



4. januar 2024

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

1. **Aalisarnermut inatsisissatut siunnersuutissaq maanna tusarniaavigineqartumut suliffeqarfiit ingerlatseqatigiiffiillu sorliit ilisimasassanik tunniussaqaareerpat?**
  - a. **Siunnersuusiassamut allaqqasussanut suliaqarnermi nassuiaatinut ilaalu ilanngullugit Aalisarnermut Naalakkersuisoqarfimmi atorfilittat avataasigut allat peqataasimappat?**
2. **Nunatsinni aalisarneq saqpinngisaaq tamaat ingerlalluarlunilu isaatitsilluassasoq Naalakkersuisut Demokraatit isumaqatiginerlunikku?**
  - a. **Qanoq aalisarnermut inatsisissaaq aalisarneq ingerlalluartumut isaatitsilluartumullu siuarsaanissaa Naalakkersuisut isumaqarfigaat?**
3. **Aalisarnermut inatsisissaaq ilusimisut akuerineqassagaluarpat Polar Seafood Greenland pisassiissutit annertuut annaasussaavaat. Matumani suliffeqarfimmut inuiaqatigiinnullu kingunissaanut sunniutissaanullu tunngasunik Naalakkersuisut Polar Seafood Greenland kisitsisinik aallerfiginikuunerlunikku?**
  - a. **Taamaangippat; sooq taamaaliortoqanngila?**
4. **Royal Greenland A/S inatsisissatut siunnersuummi suliniutissanut arlariinnut ilanngunneqarsimangilaq. Matumani suna tunngavia?**
  - a. **Inatsisissatut siunnersuummi suliffeqarfiit allat pinnagit Royal Greenland A/S pitsaaqutissanik tuniorarneqarsimavoq. Matumani suna tunngavia?**
5. **Royal Greenland A/S pisortat aningaasaqarnerannut ilaaginnartussatut Naalakkersuisut isiginerlunikku?**
  - a. **Inatsisissatut siunnersuummi arlaleriartumik "pisortat" aammalu/imaluunniit "pisortat aningaasaqarnerat" eqqaaneqarpoq, Royal Greenland A/S Namminersorlutik Oqartussallu innersuussutigalugit. Sooq kommuunit aningaasaqarnerat ernumassutinut eqqarsaatersuutigineqartulnullu ilanngunneqarsimangillat?**
6. **Aalisarnermut inatsisissatut siunnersuusiornissamut sulinermi Aalisarnermut isumalioqatigiissitarsuup kisitsisaataat misissuisimanerallu Naalakkersuisunit qanoq tunngavigineqartiginiarpat?**
7. **Inatsisissatut siunnersuut utoqqalinersiassanut aningaasaateqarfiit nunatsinneersut pisassiissutinik aningaasaliisinaanissaanut pigisaqarsinnaanissaanullu ammaassissooq. Matumani utoqqalinersiassanut aningaasaateqarfiit piginnaasaat taamatuttaarlu**



**utoqqalinersiassanut aningaasaateqarfiit aningaasat pisariaqartinneqartunik ilumut pigisaqarsinnaanersut Naalakkersuisut misissuisimanerlutik?**

**8. Naalakkersuisut suliamut tunngasunik paasissutissanik allanik paasissutissiisinnaappat?**

(Inatsisartunut ilaasortaq Jens-Frederik Nielsen, Demokraatit)

**Tunngavilersuut**

Tusarluarnartuuvoq kiisami aalisarnermut inatsisissatut siunnersuut maanna Naalakkersuisut tusarniaassutiginiarlugu nassiussimammassuk.

Demokraatiniillu eqqummaariffigaarput siunnersuut maannakkumut ima isikkuli Inatsisartunut saqqummiunneqannginnerani immikkoortukkaarlugit allannguutissaqariaannaasoq. Tusarniaanermut akissutigineqatussat takkutissajunnarsisut aallaavigalugit.

Taamaattorli apeqqutit ima isikkullit nassiutereerpagut, kissaatigalugu aalisarnermut inatsisissaq nutaap suliaralugu ingerlanneqarnera sapinngisaq tamaat ammasumik ingerlanneqassasoq. Naalakkersuisut siunnersuummik suliaqarnerminni eqqarsaatersuutit suut pigineqraat paasissallutigu soqutiginaritittorujussuarput.

Ullut suliffiusut qulit iluanni apeqqutinnut akissutisinissara qilanaaraara.